



太師誠意伯劉文成公集卷之十一

後學麗水何鍾編校

歌行

送陳庭學之成都衛照磨任

君不見岷山導江戒南紀噴雨噓雲九千里瞿唐劍閣鍵重
關錦城花繞成都市雄藩作屏鎮羌夷列郡五十爪牙之長
夏雪山連太白玄冬熱海蒸坤維

聖皇握符御宸極煙塵不起鯨波息鳳凰麒麟在郊藪川后
嶽靈俱效職籌邊樓上羅俊良况子敏學年方將將軍幕府
曾試用驍驍熟路宜騰驤大編揚帆沂江水東風漫漫吹蘭

芷綵衣鶴髮對晨昏有酒盈尊甘且旨吾聞嵒嶽上與井絡
通風氣隔閩華與戎九夷八蠻濡帝澤廟堂已得攻心策

為王輔卿郎中題雪灘寒鴈圖

雲茫茫水浪浪林木脫葉無稻糧烏啼鴈叫天蒼涼歲云莫
矣江山長有竹有竹在高岡三株凍折兩復僵小禽悲飛不
能揚蒼梧悠悠隔沅湘欲往從之川無梁願披寒霄見朝陽
勿令嗷嗷傷我腸

漁樵問答

樵問漁江湖風波惡何似采薪人無憂茹藜藿漁荅樵山中
何所有未若擢扁舟得魚即沽酒

題王元章梅花圖

會稽老王拙且癡能畫梅花稱絕奇春牕走筆生古恠中有
窈窕傾城姿人生得閑真是好得閑不閑惟此老布袍鬢茸
髮不梳一生只被梅花惱天生梅實可和羹爾梅有花結不
成世間花實總尤物不如畫圖終古無枯榮

琴歌贈劉元明

龍門獨樹水蠶弦空林霜清鳴暗泉姮娥抱桂寒不眠雕鸞
怨啼風滿天碧潭殷雷龍起蟄月落太陰山鬼泣湘江秋水
一劍明帝子歸來聞珮聲扶桑浪翻碣石改東海魚飛入西
海白雲去盡天茫茫十二玉樓深夜涼

憶昔盤古初開天地時以土為肉石為骨水為血脉天為皮
崑崙為頭顱江海為胃腸嵩岳為背脊其外四岳為四肢四
肢百骸咸定位乃以日月為兩眼循環照燭三百六十骨節
八萬四千毛竅勿使淫邪發洩生瘡痍兩眼相逐走不歇天
帝愍其勞逸不調生病患申命守以兩鬼名曰結璘與鬱儀
鬱儀手捉三足老鴉脚踏火輪蟠九螭咀嚼五色若木英
身上五色光陸離朝發暘谷暮金樞清晨還上扶桑枝揚鞭
驅龍扶海若蒸霞沸浪煎魚龜輝煌焜耀昏幽暗燠煦草木
生芳蕤結璘坐在廣寒桂樹根漱嚙桂露芬香菲啖服白兔

所擣之靈藥跳上蟾蜍背眷騎摘光弄影蕩雲漢閃奎燦壁
葩花攜手摘桂樹子撒入大海中散與蚌蛤為珠璣或落岩
谷間化作珣玕琪人拾得喫者胸臆生明暈内外星官各職
職惟有兩鬼兩眼晝夜長相追有物來掩犯兩鬼隨即揮刀
鉞禁制蝦蟇與老鴉低頭屏氣服役使不敢起意為奸欺天
帝憐兩鬼暫放兩鬼人間娛一鬼乘白狗走向織女黃姑磯
槌河鼓塞兩旗跳下皇初平牧羊群烹羊食肉口吻流膏脂
却入天台山呼龍喚虎聽指麾東岩鑿石取金卯西岩掘土
求瓊巖岩洞書石梁折驚起五百羅漢半夜撥刺衝天飛
一鬼乘白豕從以青羊青兔赤鼠兎便從閣道出西清入少

微浴咸池身騎青田鶴去採青田芝仙都赤城三十六洞主
騎鸞翳鳳來陪隨神魁清唱毛女和長烟裊裊飄熊旂蜚庶
吹笙虎擊筑罔象出舞奔馮夷兩鬼自從天上別別後道路
阻隔不得相聞知忽聞韓山子往來說因依兩鬼各借問始
知相去近不遠何得不一相見叙情詞情詞不得叙焉得不
相思相思人間五十年未抵天上五十炊忽然宇宙變差異
六月落雪冰天達鼉鼉上山作窟穴蛇頭生角角有岐鱈魚
掉尾斫折巨鰲脚蓬萊宮倒水沒楣攙捨枉矢爭出逞妖怪
或大如甕盎或長如蛟虵光爍爍形躩躩叫鹿豕呼熊羆煽
吳田翔魑魍天帝左右無扶持蚊蠱蚤蝨蠅蚋蟻嗜膚啞血

圖飽肥擾擾不可揮筋節解折兩眼眊不辨妍與媸兩鬼大
惕傷身如受榜笞便欲相約討藥與天帝鑿先去兩眼翳使
識青黃紅白黑便下天潢天一水洗滌盤古腸胃心腎肝肺
脾却取女媧所搏黃土塊改換耳目口鼻牙舌眉然後請軒
轅邀伏羲風后力牧老龍告泰山稽命魯般詔工倕使豐隆
後黔羸礪斧鑿具鑪鎚取金蓐收伐材尾箕修理南極北極
樞幹運太陰太陽機檄召皇地示部署岳瀆神受約天皇擇
生鳥必鳳凰勿生梟與鴟生獸必麒麟勿生豺與狸生鱗必
龍鯉勿生虵與蠃生甲必龜貝勿生蜃與蜃生木必松楠生
草必薺葵勿生鉤吻含毒斷人腸勿生枳棘覃利傷人肌螟

蝗害禾稼必絕其蟪蝼虎狼妨畜牧必遏其孕孽啓迪天下
蠢蠢氓悉昭禮義尊父師奉事周文公魯仲尼曾子與孔子
思敬習書易禮樂春秋詩履正直屏邪歆引頑嚚入規矩雍
雍熙熙不凍不飢避刑遠罪趨祥祺謀之不能行不意天帝
錯怪恚謂此是我所當為眇眇末兩鬼何敢越分生思惟嗷
嗷向瘖盲洩漏造化微急詔飛天神王與我捉此兩鬼拘囚
之勿使在人寰做出妖恠奇飛天神王得天帝詔立召五百
夜叉帶金繩將鉄網尋踪逐跡莫放兩鬼走逸入嶮巖五百
夜叉箇箇口吐火搜天刮地走不疲吹風放火烈山谷不問
杉栢檮欒蘭艾蒿芷蕪茅茨燔焮熨灼無餘遺搜到九萬九

千九百九十九仞幽谷底捉住兩鬼眼睛光活如琉璃養在
銀絲鉄柵內衣以文采食以麋莫教突出籠絡外踏折地軸
傾天維兩鬼亦自相顧笑但得下寒不餒長樂無憂悲自可
等待天帝息怒解猜惑依舊天上作伴同游戲

寄江西黃伯善兄弟

我思美人乃在洞庭之陽彭蠡之陰衝波亘天三百里醜恨
比之應更深揚瀾咆哮左蠡怒白日慘慘玄猿吟欲往從之
憤余心鼇鼉駘確不可以駕風縱縱兮兩滔滔望厭原之飛
烟邈匡廬之高岑霞標日觀轟南斗石門雙闕撐嶸嶸虹旌
兮翠羽昌容兮鳳凰舞蔽衣兮菹襟玉笙吹兮紫鸞音望不

見兮悲莫任江水湛湛愁楓林西來文魚曾到海願寄筆札逾
兼金

題安仁余氏留餘堂

君不見石季倫對案方丈皆八珍珊瑚夜光視如土寧知汨
沒同埃塵又不見李蒼皇平生鼎食滿萬羊中厨烟火宵未
吟詔書趣使趨南荒金谷名園委蔓草平泉荆棘無人掃榮
華瞬息可奈何空令過者傷懷抱世人積金貽子孫一朝金
盡難復論古來天道有好還君看漢代于公門

送胡季城平江監倉

君不見棠谿沙中金又不見龍門山上桐衝波蕩汨入坎窟

石溜漱齧歆雷風梓人桃氏不見顧自分委棄蒿櫟司一朝
清廟作雅樂搜索絡繹奔垂工飛廉鼓鑄王爾斲熾炭利鑿
相治礧朱絃橫緼筍簾立鎮圭衮冕齊雍容世間物理有消
息累土自可成穹隆司倉雖微君莫棄君不見魯叟當年嘗
委吏

弋陽方氏壽康堂

先生築堂依林臯繞屋杉松浮翠濤烏皮靈壽扶鶴髮項有
千歲隻垂條小孫踉蹌竹馬戲大孫綵衣花底翔有耳不聆
闐闐音有目不識簿領曹鸞啼燕語日高起羽觴沉沉浮春
醪君不見非熊老人釣清渭九十鷹揚亦勞瘁

不為杭州鄭善止題蓬萊山圖

君不見大瀛海中有神嶽如崑崙周遭四城五十里石骨纏繞扶桑根琪華爛日珠炫夜翠樓玉殿虎守闈鍾山燭龍在其北兩眼燁煜如朝暎仙人東王公掌握天紀弼帝尊長虹為轅龍作馬飄然乘風白日在下弱水蕩蕩無力可負芥自從大禹刻石之後來者寡彼秦之皇其貪如狼而漢之武其欲如虎樓船萬斛空巍巍欲到不到風掣之徐市蜉蝣身乃欲邀安期文成五利小豎子羊質彊使蒙貔皮神仙大笑起濤浪射魚海上夫何為

壽山福海圖歌

吾聞軒轅之國乃在大海之中央其不壽者八百歲壽者乃與天地同久長榜臺縹緲造雲漢赤日繞戶扶桑涼玉泉之水清以香瑤草之味如瓊漿洪崖有時來環佩聲琅琅鳳凰自歌鸞自語青蜺連蜷白雲舞淋漓豹髓浮瑤觴錯金盤薦麟脯耳聞楚水泣皇英眼見商郊葵彭祖琪華玉樹宵有光東風入律春茫茫春茫茫樂無極青雛夜夜月中來廣寒姮娥寄消息

送人分題得鶴山

丁令威乃在崑崙之墟閼風之嶺羽衣誤作塵土夢回首人世三千年空中落日松栢冷苦霧慘慘含悲泉夢隨回颺訪

瓊田紫雞青鴨還相憐
丁令威將奈何野有矰繳隰有網羅
前飛烏鳶後駕鵝啄腥爭腐聲嘯羅
渺予懷兮隔烟蘿杳冥
冥兮倚長歌丁令威胡不歸
槐江之山連大隗玉樓金嶂中
天開玲瓏碧樹鏘瓊瑰
鳳凰有閣鸞有臺君胡為兮獨蒿萊
丁令威歸去來

寄宋景濂四首

我思美人乃在仙華之山
山前夜半掛河漢天津兩旗俯可
攀我欲從之阻河關初平不來
白羊死瘦骨蝕盡莓苔頑風
沙蕭蕭隔人間玄霜日夕凋
玉顏有鳥有鳥丁令威側身下上
空孤飛女媧石墜鰲脚折海水散
作雲霏霏山中有奇樹一

華一千秋美人何不折寄我使我
歎恨長疑眸深沉洞谷山
鬼集陰氣六月冰霜留嗟哉美人
誰與傳明年定約赤松子
與尔群峰頂上遊

有美一人兮美且仁自我不見兮
不知幾春仰玄穹兮睇參
辰為合為離兮孰測其因青冥無
階兮江海無津風雨茫茫
兮蛟龍怒瞋安得羽翼兮致我與
隣

有美一人兮美且都青霞為衣兮
白雲為裾被秋蘭兮佩珣
玕泰和與游兮中黃真君瞻望弗
及兮芳歲其徂山高水深
兮道阻且紆安得羽翼兮致我與
俱

有美一人兮在山中蒼眉黑鬢兮
玉雪其容飲沆瀣兮食紫

虹澡石泉芳灑清風邀初平兮從赤松超逍遙兮樂無窮安
得羽翼兮致我與同

題謝臯羽傳後

阮籍哭窮途墨翟哭素絲晉誼上書期寤主卞和抱玉無人
知人生有情不可塞謝生慟哭非狂癡神奔鬼遁天地革龍
魚貓虎三狼黑黼裳玄袞換舊裘鞞唱羌歌滿中國生也何
辜逢此時有才不用空男兒伯益丘墟管仲沒孤根弱植誰
扶持既不能學申胥頓首血沾臆却具再建荆社稷又不能
學鄒衍長號徹帝關飛霜六月凄燕山空將淚灑荒岡雨添
作秋濤撼江浦君不見杞梁之妻善哭夫哭得城崩又何補

夜猿叫罷天晦冥大聲搖動虛危星蕭湘竹死鳳凰去但見
白波連洞庭嗚呼此士今安在金石可銷心不改應將魂魄
化精衛銜取南山填北海

松陽周處士冰壺歌

冰壺者枯蒼周處士之所以自號也夫冰太陽寒水之凝
而壺者器也水凝為冰至柔而變為剛天下之剛莫尚焉
天壺之貴者以玉為之雖栗而冰乎其腹僕切異之於是乎
歌以詠焉歌曰

陰風吹空寒凜冽玉壺夜半玄冰結十二樓中瑣翠鸞太微
宮裏縣明月明月流光照玉壺珠飛上天滄海枯青女鍊霜

封貝闕燧人炳犀龍泣血銀河凌漸膠北斗五色石裂媧皇
走相看一笑天茫然回首人間三萬年

寶林同講師渴馬圖歌

天廐馬神龍姿目如明星耳如錐拳花髮毛雲陸離揚鬚掉
尾頰虹飛天廐馬閑且驕繫以青絲勒以鑣渴不得飲瑤池
泉飢不得食瓊田苗豆粟不實中腸枵口不能語足屢躑天
廐馬壯且武食主之食須報主莖秣失時罪在牧圉無如宋
牂怨不得嚼咀喪厥元戎殄師旅天廐馬爾不聞趙國廉將
軍一飯斗米肉十斤被甲據鞍走若雲北斬粟腹西拒秦負
荆謝藺不為身至今天下稱良臣又不聞漢季劉荊州有牛

千斤角曲觶啖食十倍於常牛負重不若一牝麀老瞞度江
俘楚囚骨肉解割庖刃游天廐馬飽爾食草間封狼追誅殛
威弧撥刺矢不直嗟爾神駿須盡力他年定遇田子方櫪上
優游終主德

青羅山房歌寄宋景濂

若有人兮乃在大江之南淝河之東連山倚拔瀛海上上與
河鼓天津通憶昔四女下天來遺髮墮鬕根麗鴻仙華傑出
寂恠異望之如雲浮太空嶽崱嶭施齧不可上蒼蔚雜樹
昏腫隴虎龍咆號猿鶴叫山鬼呵歛生悲風嗟哉若人兮胡
為乎其中梁檀栲兮柱桂楓結青羅兮以帡幪不翦不伐兮

不鹽以攻晨嵐暮藹滴晴雨烟條霧葉相蒙龍縵縵兮纏纏
葦葦兮蓬蓬繚糾要紹兮若蒼龍垂胡降玄穹楚麗披離兮
若翠鸞振迅飛麤氈鸚黃和鳴桑扈應髣髴牙曠之絲桐幽
泉發竇鏘玲瓏六月赤日收蘊隆陽凌陰蓄春融融巖花澗草
紛白紅有時皇初平清夜騎羊朝帝君瓊麤羽蓋冰玉珮華
月閃爍光成虹松吹笙兮竹舞翹影旆旆兮聲風颯娛目悅
耳兮樂不可言世間塵土何夢夢山有芝隰有豐石鑿鑿兮
水滢滢倚若人兮美且充飢食倦怠兮可以保我躬逍遙兮
棲遲又何必訪廣成于崆峒

題仲山和尚群魚圖

濠梁之樂誰能寫哀蟻死後無畫者上人安知身非魚援毫
貌出態更殊刻藤素拂秋雲冷眼前驚見滄江水翠尾輕披
水上萍玉鱗倒漾空中影前行十二相迴環吹澗煦沫淵泮
間最後群趨儼成列皎若寒霄舞流雪却思昨夜風雨來赤
鯉已去隨奔雷鰕鱸不作霄漢夢潛心冰暖何悠哉贈言還
畫重太息芒鞋竹杖今何適慎勿作海水洶湧龍崢嶸空令
素壁疑塵生

為本大師題唐臨晉帖

乾符天子萬機暇宮中扈從多儒冠玉堂開宴出晉帖翠氣
蕩搖山雪寒侍臣模寫各臻妙碧樹瓊柯相照耀令致嗟嘆

至尊喜內官拜舞宮娥咲日斜宴罷歸內園外門有事人不
言君不見關東夜飛赤白丸昭陵玉匣秋風酸

題老翁騎牛圖

白日上悠悠竹梢霧已收晴天不易得及時當放牛鄰家放
牛多兒童我家無兒只老翁寒衣在機織未就原上烈烈多
高風勿言衰老筋力薄有牛可放殊不惡但願天公不相惱
牛背閑眠飢亦好

題也先進德祖母徐氏節義傳後進德之祖以戰死
時其祖母年尚少
鳳乃鳳之匹麒麟乃麟之儔錦衾角枕期白髮誰知不得同山

丘丈夫殉節殞烽火英靈在世何曾死兩龍未合延平津白
日無光天色紫君不見青松與兔絲引蔓相纏索松摧絲蔓
斷結根猶作千歲苓洞房含風霜露早孤兒啞啞在懷抱皇
天可憐兒長成相見黃泉情亦好

題金谷園圖

君不見石家名園擬黃屋蜀錦作圍金作谷暖香烘日浮紫
霄冰紈火布鮫人綃燕釵十二歌白苧珊瑚玲瓏綠珠舞月
榭吹笙引鳳凰霧縠傳觴語鸚鵡爨下蠟光宵未歇樓上佳
人碎瓊雪空將遺恨寄丹青留作千年覆車轍

題日大初夏即景

前日大熱釋我裘昨日一雨涼如秋寒暄倏忽反覆手冰炭
着躰何由瘳今朝初晴又欲暖園中草芽軋復抽嗚呼安得
伶倫吹嶰竹四氣不愆同玉燭

畫竹歌為道士詹明德賦

我所思兮在瀟湘蒼梧九疑渺無際但見綠竹參天長上有
寒烟凝不飛下有流水聲琅琅中有萬古不盡離別淚化作
五色丹霞漿穿崕貫石出厚地風吹露滌宵有光我欲因之
邀鳳凰天路脩阻川無梁孰知畫史解人意能以造化歸毫
芒虛堂無人白日靜使我顧盼增慨慷玄霜慘烈歲將宴甍
啼鼯叫天悲涼我所思兮杳茫茫山中紫筍春可茹歸來無

使遙相望

題蘭花圖

幽蘭花在空山美人愛之不可見裂素寫置明窓間幽蘭花
何菲菲世方被佩薈葦施我欲紉之充佩褱衆衆獨立衆所
非幽蘭花為誰好露冷風清香自老

送葛元哲歸江西

我昔筮仕筠陽初官事窘束情事踈風塵奔走僅五稔滿懷
荆棘無人鋤明堂大開壯梁棟散木不遺椽柁用豫章江上
一逢君矯矯雞群一孤鳳城頭月出明星稀開門望月露沾
衣文章繡衣郎談屑天葩飛得句即高歌驚起鳥鵲穿林霏

星流雲散隔吳楚有時夢君詩上語座中百谷含清暉
飄風度踈雨我住青山耕晚霞君去蟾宮折桂華別來八見
秋雁過忽然會合增長嗟江南二月草未秀雪陣如濤衣清
晝投壺命觴盡文友此樂百年何日又一朝復一朝三歲如
過電四牡彭彭子獨賢江東山水看遍人間事萬不齊我馬向
南君向西海門日照漁浦白驪歌欲斷吳雲低枯蒼山臨川
水相思迢迢一千里山高高兮水深深極望不見愁人心應
將旅魂夢化鶴永夜月明懷好音

題釋驂圖

關中小兒勇而競王帳貔貅三百乘馬知道上十二牛皇天

默佑周同姓絳宮大厲吼如雷墨車載甲光照緄鷹騰二陵
間劔鋒白皚皚壯士百戰腦塗地元帥東縛坐草萊俘囚有
血堪釁鼓自分殘膏染齊斧萬死一生直望外豈意片言由
內主鴻鴈曾傷弓尚為空券愁犀兕脫匣出聞呼肯回頭河
邊解驂徒譴諍舟中稽首心悠悠濟河封尸勿云晚此事終
作晉國羞君不見夫差遺子胥空灑姑蘇泣丈夫深戒婦人
仁養虎遺患悔莫及

題錢舜舉馬圖

吳興公子雅好奇欲把丹青競天巧花蜂柳鶯看已足貌得
驊騮圖更好浪花滿身蹄削礪兩耳抽出春筍尖風鬣欲拂

九霄霧隅目似掛高秋蟾昨者王良失鞿韉封狼咆哮蛇豕
闕天開乘黃越在野出車未見歌南仲嗚呼安得此馬背負
郭令公掃清四海歸奏明光宮

題王元章梅花圖

道人紅顏映髭雪欲與梅花鬪清潔夢魂化作梅花神貌得
梅花最奇絕高軒落筆當晴曦北風吹樹寒雲垂九霄露洗
珠玉盡野水影動龍蛇枝勞生苦被煩熱惱見此令人暢懷
抱虛堂夜半明月入玄鶴一聲驚絕倒西湖處士骨已槁湖
上淡烟迷蔓草石壇日夜長蒼苔紫脫瑤英為誰好羅浮山
在何處聞道其間無散木只有梅花三萬樹黃初平在金華

山中白羊許借我與爾並駕凌飛霞

題縣崖蘭花圖

洞庭一夜西風起沅湘美人隔秋水翠蕤玉佩冷不收怨入
蒼梧九千里蒼梧之山絕浮烟上與女媧所鍊之石相牽連
瘦根迸雲石為穿紫莖瓊蕊涓飛泉一開一落三千年歲晏
玄霜白日昃南山桂枝化為棘我欲采之無羽翼月宮青鸞
呼不來卧看月明空太息

題雪汀圖

天迷迷地茫茫雲垂日白江水黃駿鳥凍縮龍走藏雪花如
月開樽桑彼何人斯一葉航手持釣竿詠滄浪詠滄浪倚道

遙天風吹入瑤池去素女素娥應見招

天為董楚芳題山水圖

金庭接四明會稽歲禹穴半嶺生白雲如濤湧溟渤我住城南隔天鏡朝夕看山見山性是誰模寫作畫圖展向高堂色相映天上寶書緘石室翠栢蒼筠曉蕭瑟有蛟如龍身九屈林深嶂疊不見日龍氣吐為烟霧出何處樓臺香竊中蓬萊只在雲門東陽崖不留建木影陰澗自起樵人風賀知章今已矣湖邊酒船為誰艤赤城霞標通宛委陵茗花開落松子蕙帶荷衣歸去來清泉素石無泥滓

寄陶中立郭秉心叙舊言懷

為別未五載恍如生死隔有時長想愁欲狂中夜感歎無羽翼憶昔相逢俱壯年錢唐柳綠花含烟粉墻繚繞子雲宅華燈照幙自草玄春城飛雪滿一月立馬敲門馬蹄沒銅壺驍箭三十六易坐更投鏃相抱仰天大笑催命觴酒多雪急天茫茫論文握手到爾汝知有膠漆無參商君行却向江東去我亦棲遲廣文署震澤風驚白鴈秋玉山露落青楓暮井邑蕭條劫火餘行人何處問緘書傳聞那得辨真假引領遙望空嗟吁今年飄泊越城裏重見手書悲且喜舊游雖在舊人非獨立看雲淚如水羨君絳帳開海濱綵衣堂上生陽春艱危大幸適樂土况有主翁賢且仁嗟余數與時不偶畫虎不

成秣類狗家鄉蕩析身轉蓬棄置田園事奔走豺狼在郊蛇
在藪府縣官曹但糊口藩垣久厭邊鄙報旄丘載馳徒疾首
郭公子今何如璞中之玉可照車委棄土壤慚砭砭往事轉
頭同過翼猿鶴蟲沙豈終極南山直幹劈雷電般匠束手
無顏色殷勤寄情素會面未有期願言努力各自慰莫遣青
鬢先成絲

和吳以時秋夜長篇

秋夜長今日何日此何鄉流螢在砌苔在墻明星滿天月照
床東西南北路渺茫車何為乎水中央秋夜長今日何日此

河鄉

入鼓山潛溪圖歌為宋景濂賦

金華山水天下希潛溪龍門尤絕竒群峰峻極河漢上一峯
獨立芙蓉陂先生結廬在其下文追班楊蕪賈馬遂今此山
增壯觀野有樸楸皆梧檟上清道士方方壺乘輿為作潛溪
圖丹崖翠麓神仙居東望日出樹如蘇溪流穿林還度谷十
里一達五里伏龍湫吐景生白虹藤蘿振兩松呼風却憶往
時清夜月帝女乘雲下天闕鍾鏞鈿鈞蕭鼓發霓裳羽衣飄
滅沒初平騎羊前啓行長髯鬢髮飛玉霜秦娥吹笙玄鶴舞
牽牛河鼓凝寒芒相思迢迢頻入夢夢駕兩鸞從一鳳覺來
毛髮猶爽浙目送征鴻度空碧山有疏水有魚函澗有泉清

可料何時上疏乞骸骨寄聲先遣雙飛鳧

題陸放翁賣花叟詩後

君不見會稽山陰賣花叟賣花得錢即買酒東方日出照紫陌此叟已作醉鄉客破屋含星席作門濕螢生竈花滿園五更風顛兩聲惡不憂屋倒憂花落賣花叟但願四海無塵沙有人賣酒仍賣花

題柯敬仲墨竹花石

紅桃花天天綠竹葉疑疑水邊石上相依倚恰似佳人配君子奎章博士丹丘生寶書鑑盡芸閣清染朱涅翠歸墨筆收入造化無逃形烟濃風暖春如醉竹有哀音花有淚花枯竹

死今幾年空留手跡令人憐

為包與直題太一真人圖

太一真人麗眉頰不知所持何代書既不學昴星降精下輔隆準公又不學傳說請帝通夢寐左右商王陳範謨眇然一葉蓮花莠清秋風吹落泥塗紅凋粉瘵不可扶君何為乎以為桴蕩漾九河凌五湖誇耀水伯驚天吳坐令文成五利之輩假借神聖欺庸愚靈旗風翻壯荆符麀鹿無鬼夫何辜漢宮天祿連石渠金釭銜壁麗綺疏青藜有燄如美藻何不分餉依光夜績之徐吾高堂耽耽縣畫圖作歌一咲駭里閭為戴起之題猿鳥圖牧谿畫

巴東之西巫山高連峰插天關健牢中有懷凌皴谷之波濤
藤蘿杳冥風怒號人跡不到神鬼逃但見野猿沙鳥群相嘈
聾聒百竅搖巖壑此景可聞不可遭爾何為乎貌以毫毛嗟
我用心無乃勞江盤峽束雷雨昏崩崖死樹纏古根玄猿抱
兒隨白猿長臂嫵嫵相攀援舔舐譎詭趨騰蹇懸柯攫石墜且
掀上有滿月如頰盆篔簹桃枝寒自蕃嘉實不食鳳高翻但
見娥皇女英之淚痕勢窮險盡原野闕落日烏鴉繞雲黑荻
花茫茫蘆葉赤前飛鵠鶴後鳧鷖瀟湘洞庭烟水碧騶虞鸞
鷲無顏色還君此畫長太息獨立看天淚沾臆

題界畫金山圖

岷山導江入海長金山却在江中央下有地軸連扶桑上有
鳥道通九陽白波繞之如雪霜杳然浮空或低昂覺危樓峻
閣造牛斗一似蓬萊之鏘鏘撞金伐革殷朝夕丹雘翠葩相焜
煌巖崖洞谷蛟龍堂斑鱗錦紋頰頰張隱嶙窈窕變暄涼虎
蹄豹跡萬古不可到海若夜出烟霞香摩尼之珠明月光日
連持來自西方謂能驅遣毒沴消災殃轉惡為善回妖祥嗟
我欲往不能翔畫中忽見心飛揚涉水有巖野有狼武陵桃
花今渺茫浩歌一曲增慨慷

題界畫卧龍山樓閣圖

巍巍乎大海之西浙河之東是日會稽夏后所封吞雲吐雨

隔躔次闔闢光景調春冬地平天成五千載職貢長與中華
通洞天石室神仙宮香爐紫氣騰芙蓉禹穴竊窺潛蛟龍王
書金簡今無踪但見蒼松翠柏掩暖閉白日猿狖叫嘯生悲
風卧龍何蜿蜒向之離立如孩童上有朱甍碧瓦縹緲浮玄
穹流星穿牖月掛戶下視水木光玲瓏多年不見嘗瞻處野
花自落莓苔中綠蘋香飄楊柳濃漁舟一葉波溶溶黃冠賀
老已寂寞澹烟細雨空青楓雁山狂客意匠工能以翰墨偷
天功對此使我心神融便欲築室依龍嵒短衣瘦策尋葛洪
燕服石髓餐晴虹翩然遠逐浮丘公不須懷古意慘戚伯夷
綺季俱蒿蓬

陳彥德以畫見贈歌以酬之

君不見昔者米南宮又不見今時趙學士能將翰墨爭鬼工
天下流傳名父子枯蒼處士身姓陳小郎英俊尤可人欲收
大地入掌握筆意所到如有神曉携小幅來贈我紅日滿窓
花婀娜開軒展視心眼寬如在岳陽樓上坐湖波吹烟入遠
山君山乃在湖中間蒼梧九疑隔湘浦孤雲目斷幽篁斑漁
舟一葉來何處巫峽兩昏啼鴉暮澤畔行人久不歸沙上輕
鷗自飛去陳公子聽我歌深林大谷龍蛇多蓬萊三島可避
世欲徃其奈風濤何

長平戈頭歌

長平戰骨煙塵飄歲久遺戈金不銷野人耕地初拾得土花
潰出珊瑚色邯鄲小兒強解事枉使泥沙埋利器四十萬人
非少弱勇怯賢愚一朝棄陰坑血冷秋復春朽壤食盡蒼蛇
鱗湮淪長愧杜郵劍廢墜空憶椿喉人故壘中宵鬼神入雲
愁月暗戈應泣嗚呼當時豈無牧與頗戈乎不遇可奈何

涇縣東宋二編修長歌

浙東行人過江左正值黉賓之管吹輕葭陰氣黯黯天地閉
仰面不見扶桑鴉谷風哀鳴灌木應兩脚四垂如亂麻崩端
湧溜汨奔會平地碾齧作臼窪便疑桑田變滄海流末焚眼
無津涯菅茅披猖黃竹拜蛙鼠狼籍助喧譁滿路青泥雜隕

籜局縮畏觸蛭與蛇破瓦荒畦舊市井荆榛穢奧巢麀麕翠
眉蟬鬢轉蓬去頽墻缺甃劫火煨善淫禍福不可料韶豔天
闕令人嗟叢祠佛殿總銷歇但見木偶眠泥首前度長洲絕
短澗輿從沾濕水沒勝寒颼瘁瑟透衣袖雖有氈蓋那能遮
水邊老鶴學人立鷺鷥侍傍如小嫖廢田蔓草結旌旆農夫
盡化為蟲沙布穀不知時事異勸耕終日聲查查晚來雨歇
到涇縣只有蒿菽無人家縣官趨迎入公廨筋攣骨解肉半
麻蕭條破竈冷灰地飢童凍口張哈呀溲泔麥飯那能致新
豐酒醪何處賒古稱悲歌可當哭莫恠咲謔同兒哇夜深月
出照庭樹鬼燐一似青蓮華驚魂遁魄稍歸舍收入志慮無

令邪愁雲苦霧子規叫起坐更盼羲和車

為張生題趙仲穆畫馬

天廐之馬高且肥王孫貌出真絕竒杜陵寒儒恒苦飢枉使
韓幹遭誚唾渥洼天馬龍象力朝發太蒙暮西極豆芻五石
充一食力由食生非外得地黃首宿羨如飴燕以甘泉清肺
脾神完氣定叱止時素餐立仗馬耻之高風吹鴈酸棗紅狼
烟夜半通回中為君長鳴起子公斬取郅支歸獻明光宮

為詹同文題浙江月夜觀潮圖

君不見四時平分成歲功以秋繼夏獨不同炎官挾長握天
柄七月赤日熺玄穹蓐收抱鉞蹲白水野氣赫赫攄頰虹陽

侯喘汗河伯暘少昊上訴愁天公會須萬物長養遂期以仲
月虛宵中此夜姮娥魄正滿命駕四蟾驂兩駮指揮禺強出
玄渚蕩滌歆焯清霾蒙河漢發源牛斗下曲江上與天津通
初看一髮起溟徼如曳組練來於東漸聞殷鱗鼉鼓發倏忽
萬雷聲撼風天吳掉尾出溟滓馬銜揚鬣招海童霓旌縞帳
驚羽博瑤臺十二浮空濛藥珠仙人乘玉輅騰駕鶴鵠飛氈
氈長庚歛霍揆光耀電母扶龍皞戛銅宓妃起舞素女從瓊
珮絳絲雲帡幪冰綃霧縠紛颯纒霜旂雪旛高翳空鯨魚呀
呷鮫鱈遁蒲牢哮吼馮夷宮瞿唐巫峽起平地灑瀕若象鑿
回瀛先驅已過赤亭嶂後從始發龕山嶺商聲爽浙合群籟

澤國凜凜寒欲凍先生翫月坐樓上夜氣澄寂神和冲憑闌
快覩煩暑退呼兕命酒澆喉龍自舞自歌歌自作月照白髮
三千總歌聲地颺林壑應竹樹戛擊絲與桐淵魚躍波棲鳥
作紫桂繞屋清香融君歌曲終響未終我歌激烈留征鴻瞠
眸相視俱老矣况有聚病來交攻

聖明天子御宇宙威惠與天相比隆首丘倘許謝鞿絆猶有
古月光臙臙行當唱和三百首未與潮汐流無窮

戲為雪雞篇寄詹同文

我為先生歌雪鶴逸興翩翩入寥廓先生為我詠雪鷄扶桑
書景寒淒迷雪鶴排雲舒六翮長鳴遠逐浮丘伯玄洲巨君

張兩耳聾人踉蹌走如蟻雪雞欲上蟠桃枝白光爍眼流瓊
藕騰身蹋折琅玕樹片片琪華振鷗鷺鶴飛撥刺向遼東海
鯨揚波雪半空縞衣攤襪丹頂素九臯月黑猿嗥風雞啼喔
咿夜方未驚起駿鳥怨金井群仙環珮響玲瓏十二玉樓烟
霧冷憶昔康回觸折天柱時女媧扶天立天維坤維太白作
天骨萬古至今長積雪上有雪蛆大轂長如轆冰蛇雪鼠相
蝮蜿味如餒餽色如乳入口清涼生肺腑炎埃蕩滌邪穢除
幽精爽雪游六虛鶴也莫與烏鴉爭腐鼠雞也莫向溝塍拾
禾黍雪寒可畏清可飲洗髓伐毛天所玉雪可嚙兮冰可餐
誰其作友三青鳥

題米元暉瀟湘圖

米家父子皆好奇戲弄筆墨如小兒三百年來傳幾手坐見
銷鑠同春澌丹青馳譽士所耻勉強狗物寧非癡蒼梧之山
鬱欹嶷重華往矣空寒颺猿啼鳳去竹迸浹白日慘淡令人
悲瀟湘洞庭連鄂渚江漢波濤動荆楚不見軒轅張樂時水
妃怨泣鮫人語問君此圖何處得中有遠意衆莫識君不見
岐陽石鼓字泯滅千載猶為人愛惜

題趙學士色竹圖

竹性本孤直磬折良可憐由來剛介有摧挫歲寒然後知真
堅虛堂無人清氣會日滿高林風影碎漆園胡蝶去茫茫今

落瀟湘蒼玉佩我思美人淇水隈路永莫致增悲懷雪霜紛
糝嘉實晚不知鳳皇來不來

送黃巖林生伯雲還鄉覲省

生兒須男不須女二十辭家事

明主由來卿相出白屋志士寧甘守環堵天上黷宮古庠序
濟濟衣冠鸚鵡鷺羽學業須兼文與武濟川期舟早期兩懸髻
看書困不眠劬心問道飢忘咀朝來忽覩林間鴉雛飛哺母
聲啞啞慨想高堂缺溫清稽首 天閣動

天聽春烟蒼茫春樹綠水煖芹芽白如玉扁舟蕩漾駛歸風
綵服飄揚炫晴旭盈門弱柳驚黃絲鶯鳴如絃花浦枝開門

見兒喜不定問言執手仍牽衣牽衣上堂拜嘉慶籩豆既具
殺且時兒前勸酒還蹈舞親感滿筵謹咲語朱顏婉婉映青
松鶴髮嬋娟照芳醕為子歌一曲送子江之涓到家早來旋
勿為兒女慈人生有親樂莫樂况乃

君恩重山岳讀書不可迂檢身不可踈勸子慎勿學世儒
言耻行名為愚君不見良金鑄為噐鼎彝亨飪干將利才全
德備稱大賢報

國榮親兩無愧

送姚伯淵之清溪河泊所任

清溪之水通秋浦石白水清魚可數
鱖鱗鯉鱖與鱖小魚

如鉞大如杵侵晨漁艇浮空來千夫撒網雲烟回鳴榔擊楫
聲如雷水怪駭啄珠宮開課魚使者矢魚急馮夷嗟啼龍母
泣琴高赤鯉縱有神何暇超騰作人立吾觀大江之中有壯
魚名曰海豨頭如猪群行九十其朋徒歎沫成雨倏歛育風
俱旌陽仙人上天去已久平地波濤隨處有春洲潛鱗陟負
水時哉罔俾虞人後小魚瑣碎懶所捐大魚多膏祗自煎君
不見振振鷺白如玉沙頭見魚飢不啄一朝飛上瑤華池紫
鵝黃鵠相追隨俯視禿鶴垂六羽還共野鳥爭腐鼠

雙鯉堂歌為唐侍儀賦

君不見魯陽揮戈回白日又不見狄恭拜井飛泉出精誠自

古松旱天如響應聲非異

江鯉魚龍伯臣三十六鱗紅

錦勻枕丁尾丙宮淵淪乘駕渤沙扶桑津天憐孝子孝不匱
特勅水官宣德意玄冰躍出雙赤鯉頃刻寒谷生春溫之子
高堂髮如絮每懷古人心是慕中庭鑿池專種魚魚行圍圍
隨陶朱晨昏膳羞不遠索翠莛金橙繪肥白中婦奉殮少婦
進大兒登歌小兒拍合歡花開庭草芳忘憂花開池水光凌
晨上馬出門去彩袖披拂金爐香薄暮言歸拜堂所何况有
魚耳且旨忠孝由来同一軌努力揚名煥青史

舊在杭時為冷起敬賦泉石歌亂後失之今起敬為

協律郎邀予寫舊作已忘而記其起三句因更足之

君不見具山削成三百尺上有流泉發蒼石冷卿以之調七
絃龍出天陰風動天初聞涓涓響林莽悄若玄宵鬼神語冷然
穿煙達幽谷竿籟颼颼振喬木未懷帝子來瀟湘瑤環瓊珮
千鳴璫女夷鼓歌交甫舞月上九疑啼鳳凰還思媧皇補穹
碧排扶銀河通積石咸池瀉浪入重溟玉井冰漸相戛擊三
門既鑿龍池高三十六鱗騰夜濤豐隆咆哮震威怒鯨魚捷
尾驚蒲牢倏然神怪歸寂寞殷殷餘音在寥廓鮫人淵客起
相顧江白山青煙漠漠伯牙骨朽今幾年叔夜廣陵無續絃
絕倫之藝不常有得心應手誰人傳憶昔識子時西州正繁
華爭看晚晨暮竟離禁休名於誇子獨倘伴泉石裏長日松

陰兮善凡取琴為我評一也似搗滄浪洗塵耳否往泰來逢
聖明有虞製作超並英和聲為律子能事罔俾獲擊專其名

師鴻五白山古書吳文
不登紫平楚然新到
門謂鑿鑿書卷西三
聖將大船所長餘
平壽紅水
聖聖五函名
聖聖出天會風
太師誠意伯劉文成公集卷之十一終



